

文選卷之四

卷之四

四

明太祖高皇帝

高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

明太祖高皇帝

弘簡錄卷一百一十二

明刑部員外郎仁和弘齋邵經邦學

皇清翰林院侍講學士四世孫遠平校閱

功臣 宋三之十

陳敏

安丙

楊巨源

李好義

張詔

附錄

趙方

子范

扈再興

孟宗政

子拱

畢再遇

陳敏字元功贛州石城人父皓有才武建炎末以破贛賊李仁功補承信郎敏身長六尺餘精騎射積官至忠靖郎楊存中薦擢閣門祗候時閩地多寇殿司兵往戍率不習水土朝命募兵三千以敏為統制駐劄漳州按諸郡要害凡十有三處悉分兵扼之盜發輒獲累功授右武大夫封武功縣男領興州刺史召赴闕高宗偉其狀貌賜岸除破敵軍統制母憂起復以所部軍

駐太平州會金亮南寇敏隸京湖招討使成閔升馬司統制屯
荆漢間嘗說閔曰金人精騎悉在江淮汴必乏守今欲救江淮
莫若由陳蔡徑擣大梁潰其腹心不聽從閔還駐廣陵金亮尚
未渡淮又說閔邀其歸師復不聽遂移疾歸姑熟孝宗卽位張
浚奏敏爲神勁軍統制改督府武鋒軍都統制與李顯忠同渡
江敏言盛夏興師非時且金人重兵皆在大梁我客彼主勝負
之勢先形矣願少緩期浚不聽令以屯盱眙顯忠至符離果失
律敏移守泗州和議成還守滁陽敏請於朝以滁非受敵之所
改戍高郵兼知軍事與金人戰射陽湖焚其舟復追至沛城敗
之乾道元年遷宣州觀察使主管侍衛武軍司公事居歲餘抗
章言敵情多詐和不足恃今兩淮無備臣久任周廬難効鷹犬
乞以故部之兵再戍高郵請更築其城乃許常階除光州觀察

使分武鋒爲四軍。升敏爲都統制。兼知高郵軍事。仍賜築城屯田之費。至則增其舊制。板築高厚。又按故迹起自寶應作石礎十二所。自是運河通泄無衝突之患。四年有北界人侍旺密款本朝稱結約山東十二州豪傑起義以復中原。敏言旺欲假國威以行劫耳。事必不成。願勿聽。適旺與屯田統領交通。旺敗金有間言。上知非敏罪名。爲左驍衛上將軍。時議戍守清河口。敏謂宜先脩楚州城池。蓋楚乃南北襟喉。彼此必爭之地。長淮二千餘里。清汴渦潁蔡五道皆通北方。其通南方以入江者。惟一楚州運河。金兵自五河而下。非得運河無緣渡江。昔周世宗自楚州北神堰鑿老鵲河。通戰艦以入大江。南唐遂失兩淮之地。由此言之。楚州實係要害。願朝廷留意。詔從之。命與州守左祐同城楚州。祐卒。遂移守之。北使每過見其雉堞堅新。號銀鑄城。

張龍金
卷一百二十三
俄坐歸正人二百家逃歸降忠州團練使罷爲福建路總管改
江西贛州駐劄仍往福州揀軍還豫章教閱團結江西諸邦人
馬久之提舉佑神觀奉朝請旋領蘄州防禦使武鋒軍都統制
兼知楚州至光州觀察使以疾卒贈慶遠軍承宣使

冊曰敏乃多猷進言不售及守楚州銀城終就丈夫一得
尚能貽後

安丙字子文廣安州人登淳熙進士調大足縣簿秩滿詣闕陞
蜀利病十五事言皆剴切外艱服除辟利西安撫司幹辦公事
調曲水丞吳挺爲帥知其才邀致之改知新繁內艱服除轉知
小溪通判隆慶嘉泰三年郡大水白守張鼎發常平粟振之又
鑿石徙溪自是無水患移知大安軍歲旱以家財糴米振饑事
聞詔加一秩曦旣代挺丙知其必誤國言于宣撫程松陳十可

憂松不省。旣而曦奏丙爲隨軍轉運。居河池。金人攻湫池堡破。天水縣由西河入成州。師潰。曦不問敵肆掠關外四州如踐虛。邑軍民莫知死所。曦密受金人封爵。宣使者欲得四州以和。開禧三年。僭號改元。建官屬。以丙爲丞相。長史權行都省事。丙度不能脫。徒死無益。乃陽與而陰圖之。與楊巨源李好義等謀誅曦。語在楊李傳。徐景望在利州。逐王人擅財賦。丙遣弟煥往約諸將相與拊定。及已誅曦。景望伏罪。軍民無敢譁者。丙乃傳檄諸道。按堵如故。朝廷初聞曦變。莫知所爲。亟召知鎮江宇文紹節問之。紹節稱丙非附逆者。必能討賊。乃密降帛書獎其才具。如能圖曦報國。以明本心。卽當不次推賞。帛書未至。已而曦首露布以聞。陳賊所以反。及矯制討平。便宜賞功狀。并獻乘輿法物。及所受金人詔印。與所匿庚牌。自効待罪。一時上下動色。

交慶加端明殿學士中大夫知興州兼安撫使四川宣撫副使
賜詔獎諭恩數視執政金人揭示境上得丙首者與銀絹二萬
匹卽授四州宣撫丙戒飭將士以攻爲守威聲甚著時沿邊關
隘悉爲金毀丙脩西和仇池聚糧積芻使軍民可守成州黑谷
南谷亦皆頓兵距天水十里所創白環堡與西和相爲犄角又
增堡雞頭山守以民卒脩黃牛堡築興趙原屯兵千餘鳳州秋
防原及河池殺金平魚關皆大軍屯聚又於關表廣結義士月
給以糧俾各保田廬墳墓使可經久好義守西和言四州兵後
民不聊生乞蠲租以蘇剝殘丙請于朝從之又以沔州都統言
所置十軍權太重致有尾大不掉之患請分置沔州副都統制
各不相屬以前後左右中五軍隸沔州都統司踏白摧鋒選鋒
策鋒遊奕五軍隸副司詔皆從之寧宗手書賜丙謂金人必再

至當激勵將士戮力赴功侂冑誅復賜金器紉幣進資政殿學士和議成還大散隔牙關丙分遣僚吏經量洋汭興元大安民田別定租稅丞相史彌遠起復丙移書責以名教所係論者避之升大學士四川制置大使兼知興元七年三月詔同知樞密院事兼太子賓客召入進觀文殿學士知潭州湖廣安撫使至官留意學校請于太常劄大樂御史李安行劾其政尚嚴酷罷授崇信軍節度使開府儀同三司萬壽觀使時董居誼帥蜀大失士心金人乘之破赤丹黃牛堡入武休關直擣梁洋至大安宋師所至輒潰散入巴山紅巾賊又叛殺利州總領楊九鼎代者彌遠黨聶子述退保劔門四川大震詔子述赴行在復起丙爲四川宣撫使許以便宜初至遂寧賊猶負固丙下令諸將合圍絕其樵汲之路檄知果州安癸仲兼節制軍馬召張威李貴

來會癸仲丙子也未幾生擒張福莫簡以獻盡俘餘黨一千三百人皆斬之授保寧軍節度使兼知興元府利東安撫使移治利州卽加癸仲三官除直華文閣主管機宜文字明年進少保賜衣帶鞍馬夏人來乞師併兵攻金丙分遣將士趨秦鞏鳳翔委丁煊節制師次于鞏不克而罷尋以少傅致仕十四年卒輟朝贈少師賻銀絹賜沔州祠額曰英惠理宗賜諡忠定所著有晶然集

楊巨源字子淵成都人父信臣客益昌因家焉少側儻有大志善騎射攻書涉獵諸子百家劉光祖薦爲右職總領陳曄舉爲鳳州堡子原倉官領財養士沿邊忠義咸服其才分差魚關糧料院移監興州合江贍軍倉吳曦叛巨源陰結義士有討賊志有遊奕統領張林力能挽兩石弓隊將朱邦寧身長六尺勇力

過人賤皆忘之屢戰有功

具賞林時在置口邦寧在合江

巨源因深與相結并集忠

本福陳以安傅檜未有以發會

安丙爲賤所脇稱疾眉士

錫見丙狀曰時事如此何無善

謀者夢錫言及巨源丙欣然屬致之延之卧所相對號哭言目

前兵將不能奮起必得豪傑乃滅此賊因指天誓曰若賊誅丙

雖死不恨巨源大喜曰非先生不足以主此事非巨源不足以

了此事時李好義好問亦結李貴楊君玉李坤辰凡數十人坤

辰邀巨源與好義會巨源益大喜曰吾與安長史議以三月六

日邀賤謁廟合勇士刺之好義曰彼出且清道從衛千人事必

難濟惟寒食祭東園可圖巨源然之好義願一見安公爲信巨

源曰吾爲君先容來日僞宮相見令問君先世是已約既定及

期引見丙揖之曰向與尊父同僚楊省幹盛談才略旦夕以職

事相委其謀乃決先是楊君玉屬其鄉人白子申擬作詔文不雅馴巨源更爲之遂以三月乙亥未明巨源持詔乘馬自稱奉使竟入內戶率勇敢七十人斧門以入斬曦首裂尸以徇推丙權四川宣撫使丙奏功以巨源第一詔補承事郎叅贊軍事言予丙日曦死賊膽已破關外四州要害當乘勢取之丙慮軍無見糧巨源自請隨軍措置於是分遣諸將收復散關及西和成階等州先是獎諭誅叛詔書爲侂冑所蔽一字不及巨源旣而轉朝奉郎與通判差遣兼四川宣撫司叅議官巨源意不平時趙彥呐以誅祿禘功亦授通判巨源恚曰殺祿禘與殺吳曦等耶因遣親校傅檜愬功于朝而從彭輅乞書遺侂冑輅陽許而陰以白丙希意者因言巨源與其徒米福車彥威謀作亂丙命王喜勸訊試人罪正將陳安復又告巨源結死士欲入蜀

沔州侯丙出謀害之丙積前疑未發金傳檄言巨源在鳳州遣檄僞鳳翔都統自稱宣撫副使而以叅議官印印之又與金戰而敗丙乃密命輅收之以詐稱撫副為辭械送閬州獄巨源呼曰我一時用間中心無愧異日必有為我明其事者惟有妹尚未嫁宣撫念之舟抵大安龍尾灘遂見殺以自殮聞忠義之士無不扼腕流涕劒外張伯威為文以吊其辭悲切政府李壁聞之驚嘆丙以人情洶洶封章求免楊輔亦謂丙冤殺巨源必名變乃以劉甲代之成忠郎李珙為巨源訟冤朝廷亦念其功賜廟褒忠贈實謨閣待制官其二子崔與之請官給其葬加贈直學士大中大夫嘉熙元年賜諡忠愍子履正終大理卿四川制置副使

李好義下邳人祖師中建炎間積官忠州團練使父定一興州

中軍統制好義弱冠從軍騎射爲西邊第一討文州蕃部有功
開禧初爲正將數請出兵襲金人曦蓄異謀不納曦旣叛好義
自青坊聞變亟歸與兄好問對哭謀誅之會曦遣李貴追殺宣
撫程松貴謂朝廷重臣不可殺好義知貴赤心密告所謀因轉
約李彪張淵陳立劉虎張海等好義益結親衛軍黃術趙亮吳
政并妹婿楊君玉各相戒誓死報國救西蜀生靈好義兄弟謀
曰今日人皆可殺曦亦皆可爲曦死無威望者鎮撫之恐一
變未息一變復生欲至期立安丙以主事旣而君玉與李坤辰
來坤辰因言丙與巨源之謀好義遂令坤辰合謀巨源以報丙
丙大喜曰非統制李某子乎此人來斷曦右臂矣乃定約舉事
凡七十有四人及士人路良弼王芾亦與焉好義卽夜饗士麾
衆受甲與好古好仁及子姓拜訣于家廟囑妻馬氏曰卽出無

耗當自爲計。死生從此決矣。馬氏叱之曰：汝爲朝廷賊，我何以家爲？我必不辱李家門戶。馬氏母亦曰：行矣，勉之。汝兄弟生爲壯夫，死爲英鬼，好義喜曰：婦人女子尚念朝廷，不愛性命，我輩當如何？衆皆踴躍。小將蘇裱亦引士卒來助，各以黃帛爲號。臨行復誓衆曰：入僞宮，毋妄殺人，掠財物，敢犯者死。時門已洞開，好義大呼而入，曰：奉朝廷密詔，安長史權四川宣撫使，令我誅反賊，敢抗者連三族。護衛千人皆棄挺而走，遂由僞殿東角小門入世美堂。近賊寢室，賤聞外闕，倉皇而起，露頂徒跣，手捍內戶，貴前爭戶折其紐，賤走。貴追及，手執賊髻，舉刃中其頰，賤素猛力，撲貴仆地，不能起。好義急呼王換斧，其腰賤負痛縱貴起，遂斬之。引衆擁賤首出僞宮，亟馳告丙。宣詔軍民拜舞，懽聲動天地，持賤首撫定城中。市不改肆，事定。好義請乘時取關外四

州曰西和腹心之地。西和下則三州可不戰而復矣。願得馬步千人。死士二百。齎十日糧。可濟丙從其請。忠義響應。進次獨頭嶺。進士王榮仲兄弟率民兵會合夾擊。金人死者蔽路十戰至山砦高堡。七日至西和好義率衆攻城。親犯矢石。人人樂死。以少擊衆。僞西和節度完顏欽斧遁。遂整衆而入。軍民歡呼迎拜。籍府庫以歸。于官卽以爲中軍。制知西和好義喜誦孟子及左傳以爲終身行此已足。方以賤時。惟少子植留家。賊平人爭冒功賞。君玉欲注植名。好義指心曰。惟此物不可欺。節度使王喜乃賤大將貪淫狠愎。內懷姦邪。誅賤之日不肯拜詔。遣其徒入僞宮掠取姬妾數人。數欲殺好義爲賤復讐。丙不能止。以便宜出喜知興州及好義守西和。喜遣其死黨劉昌國聽節制。好義與之酬酢歡飲。達旦忽心腹暴痛洞瀉死而昌國遁矣。旣

歿。口鼻爪指皆青黑。居民莫不冤之事。聞贈檢校少保諡忠壯。
錄子孫爲官給田以贍其家。旣而昌國白曰。見好義持刃刺之。
驚怖。仆地。疽發。遂死。喜嘗出兵於船柵嶺。鋒未及交。棄軍先遁。
金人遂由黑谷長驅入境。朝廷慮喜爲變。移荆鄂都元帥以惡
疾終。

張詔與威俱成州人。詔字君卿。少隸張俊帳下。積功除荆鄂諸
軍都統制。守和州。嘗被旨聘金。有持祐獻工陵像至館中。皆效
北地戎服。詔北向再拜。館者問之。荅曰。詔雖不識其人。但龍鳳
之姿。天目之表。決非北朝祖宗也。敢不敬拜。孝宗聞而嘉之。因
得驟用。丘密奏革世將之患。紹熙五年。趙汝愚余端禮奏吳挺
已死。起復長子曦知和州。不令奔喪。除詔成州團練使。興州都
統制。知州事。兼西路安撫司公事。副以都統制李仁廣在任。甚

得士心六年卒。威字德遠，初起行伍，爲選鋒軍騎兵帥。郭杲言其才勇，開禧用兵，與金人戰，輒捷補本軍將領。金人聞其名，畏憚之。每戰，酣則精采愈奮，兩眼皆赤，時號張鵠眼。立淨天鵠旗以自表，不操他兵，有木楮號紫大蟲，圍而不刃，長六尺，揮之掠陣，敵皆披靡。吳曦誅從李貴復西和州，率衆先登，敗金人于板橋，遂拔之，升爲統制。威名大振，會升天水縣爲軍，卽以爲守。屢立奇功，充利州副都統制。父憂服除，帶御器械。久之，調荆鄂都統制，襄陽駐劄。荆鄂多平川廣野，威曰：「是彼騎兵之利也。鐵騎大衝，吾步卒技窮矣。」乃自創戰法，名撒星陳，分合不常。聞鼓則聚，聞金則散。凡騎兵至，則聲金，一軍分爲數十簇，敵隨而分；兵則又鼓而聚之。倏忽之間，分合數變，金人失措。然後縱擊之，以此輒勝。嘉泰二年，金分兩道入蜀，犯狄池堡，又犯白馬堡。